

ივანე ჯავახიშვილის სახელობის თბილისის სახელმწიფო უნივერსიტეტის

წარმომადგენლობითი საბჭოს სხდომის ოქმი №35

ქ. თბილისი

2011 წლის 18 აპრილი

სხდომას ესწრებოდნენ წარმომადგენლობითი საბჭოს წევრები: 1. გაგნიძე ინეზა 2. თოდუა ნუგზარი 3. მექვაბიშვილი ელგუჯა 4. მესხორაძე გიორგი 5. ჩაბაკაური გიორგი 6. გალდავა გიორგი 7. მარგველიშვილი ვლადიმერი 8. ფაღვა ზურაბი 9. ცინცაძე ნინო 10. თურქიაშვილი შორენა 11. მაცაბერიძე მალხაზი 12. ნახუცრიშვილი კონსტანტინე 13. ჩოხელი ლევანი 14. ბარამიძე ცირა 15. გელოვანი ნანი 16. ლორია კახაბერი 17. პაიჭაძე თამარი 18. გეგეჭკორი არნოლდი 19. თუთბერიძე ბეჟანი 20. ომანაძე როლანდი 21. ხაჩიძე მანანა 22. ჭლიკაძე გივი 23. კახიანი გიორგი 24. ბენდელიანი ბექა 25. პაპაშვილი თამარი 26. ჭალიძე ივერი (დანართი 1)

სხდომაზე დამსწრე აკადემიური საბჭოს წევრები: 1. ზურაბ დავითაშვილი 2. მარიამ გერსამია 3. ალექსანდრე შენგელაია 4. ელიზბარ ნადარაია 5. ნუგზარ სურგულაძე 6. რევაზ გველესიანი 7. ქეთევან მარშავა 8. ლავრენტი მანაგაძე (დანართი 2)

დღის წესრიგი:

1. სსიპ ივანე ჯავახიშვილის სახელობის თბილისის სახელმწიფო უნივერსიტეტის ადმინისტრაციის სტრუქტურაში ცვლილებების შეტანის საკითხი.

2. სსიპ ივანე ჯავახიშვილის სახელობის თბილისის სახელმწიფო უნივერსიტეტის პერსონალის მართვის დეპარტამენტის დებულების დამტკიცება.

3. სსიპ ივანე ჯავახიშვილის სახელობის თბილისის სახელმწიფო უნივერსიტეტის დაცვისა და უსაფრთხოების სამსახურის სტრუქტურისა და დებულების დამტკიცება.

4. სსიპ ივანე ჯავახიშვილის სახელობის თბილისის სახელმწიფო უნივერსიტეტის სასწავლო პროცესის მართვის დეპარტამენტის დებულების დამტკიცება.

5. სსიპ ივანე ჯავახიშვილის სახელობის თბილისის სახელმწიფო უნივერსიტეტის შიდა აუდიტის სამსახურის სტრუქტურისა და დებულების დამტკიცება.

6. სსიპ ივანე ჯავახიშვილის სახელობის თბილისის სახელმწიფო უნივერსიტეტის აკადემიური საბჭოს 2011 წლის 11 აპრილის №34/2011 დადგენილება სსიპ ივანე

ჯავახიშვილის სახელობის თბილისის სახელმწიფო უნივერსიტეტის ლექსიკოგრაფიული ცენტრის შექმნის შესახებ დამტკიცება.

7. სსიპ ივანე ჯავახიშვილის სახელობის თბილისის სახელმწიფო უნივერსიტეტის ლექსიკოგრაფიული ცენტრის სტრუქტურისა და დებულების დამტკიცება.

8. სსიპ – ივანე ჯავახიშვილის სახელობის თბილისის სახელმწიფო უნივერსიტეტის ბალანსზე არსებული ქონების (დანადგარ-მოწყობილებები) გადაცემა სსიპ – სოხუმის ილია ვეკუას ფიზიკა-ტექნიკის ინსტიტუტისათვის.

9. სსიპ – ივანე ჯავახიშვილის სახელობის თბილისის სახელმწიფო უნივერსიტეტის X (მალღივი) კორპუსის ამორტიზებული და გამოუყენებელი მატერიალური ფასეულობების ჩამოწერისა და კანონმდებლობით გათვალისწინებული შემდგომი პროცედურების განხორციელების დაწყების საკითხი.

10. სსიპ – ივანე ჯავახიშვილის სახელობის თბილისის სახელმწიფო უნივერსიტეტის აკადემიური საბჭოს 2011 წლის 25 მარტის №31/2011 დადგენილება სსიპ – ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის “B” კატეგორიის პროფესორთათვის ყოველთვიური სახელფასო დანამატის დადგენის შესახებ დამტკიცება.

დღის წესრიგი დამტკიცდა ერთხმად.

1. თსუ-ს ადმინისტრაციის ხელმძღვანელმა, ბატონმა დავით ჩომახიძემ წარმოადგინა თსუ-ს ადმინისტრაციის სტრუქტურაში ცვლილებების შეტანის საკითხი. მან განმარტა, რომ 2011 წლიდან, სსიპ ივანე ჯავახიშვილის სახელობის თბილისის სახელმწიფო უნივერსიტეტის ადმინისტრაციის სტრუქტურაში ჩამოყალიბდა შიდა აუდიტის სამსახური. სამსახურის ფუნქციებიდან და საქმიანობის სპეციფიკიდან გამომდინარე, მიზანშეწონილად ჩაითვალა მონიტორინგის განყოფილების გაერთიანება შიდა აუდიტის სამსახურთან. აღნიშნული ცვლილებების განხორციელების შემთხვევაში აუცილებელია შევიდეს ცვლილებები უნივერსიტეტის ადმინისტრაციის სტრუქტურაში, კერძოდ, პერსონალის მართვის დეპარტამენტს გამოეყოს მონიტორინგის განყოფილება და პერსონალის მართვის დეპარტამენტი ჩამოყალიბდეს სტრუქტურულ ერთეულად განყოფილებების გარეშე.

ადმინისტრაციის ხელმძღვანელმა წარმოადგენლობით საბჭოს ასევე გააცნო ადმინისტრაციის სტრუქტურაში, ეკონომიკისა და ბიზნესის ფაკულტეტზე განსახორციელებელი ცვლილებები. დავით ჩომახიძემ აღნიშნა, რომ მნიშვნელოვნად გაიზარდა ეკონომიკისა და ბიზნესის ფაკულტეტის სასწავლო პროცესის მართვის სამსახურის სამუშაოს მოცულობა და ფუნქციური დატვირთვა, ამიტომ მიზანშეწონილად იქნა მიჩნეული საშტატო ერთეულის გაზრდა. იმისათვის, რათა სამსახურის სტრუქტურა მოერგოს ერთიან საუნივერსიტეტო სტანდარტს, სასურველია სასწავლო პროცესის მართვის სამსახურის მდივნის შვიდი საშტატო ერთეულის ნაცვლად უფროსი სპეციალისტის შვიდი საშტატო ერთეული იქნას შემოღებული და შესაბამისად გაუქმდეს მდივნების საშტატო ერთეულები.

საკითხთან დაკავშირებით გაიმართა კენჭისყრა, რომელშიც მონაწილეობა მიიღეს მხოლოდ წარმომადგენლობითი საბჭოს წევრებმა:

მომხრე: 26

წინააღმდეგი: 0

თავი შეიკავა: 0

მიღებული გადაწყვეტილება: დამტკიცდეს ცვლილებები სსიპ ივანე ჯავახიშვილის სახელობის თბილისის სახელმწიფო უნივერსიტეტის ადმინისტრაციის სტრუქტურაში, წარმოდგენილი სახით. (დანართი 3, დანართი 4)

2. თსუ-ს პერსონალის მართვის დეპარტამენტის პერსონალის მართვის განყოფილების უფროსმა, ქალბატონმა შორენა ხიდაშელმა წარმომადგენლობით საბჭოს გააცნო თსუ-ს პერსონალის მართვის დეპარტამენტის დებულების პროექტი. შორენა ხიდაშელმა წარმომადგენლობითი საბჭოს წევრებს განუმარტა, რომ თსუ-ს ადმინისტრაციის სტრუქტურის ცვლილებებმა (პერსონალის მართვის დეპარტამენტს გამოეყო მონიტორინგის განყოფილება და შეუერთდა შიდა აუდიტის სამსახურს) თავის მხრივ გამოიწვია ცვლილებები პერსონალის მართვის დეპარტამენტის სტრუქტურაში, რამაც განაპირობა ახალი დებულების შემუშავების აუცილებლობა.

საკითხთან დაკავშირებით გაიმართა კენჭისყრა, რომელშიც მონაწილეობა მიიღეს მხოლოდ წარმომადგენლობითი საბჭოს წევრებმა:

მომხრე: 26

წინააღმდეგი: 0

თავი შეიკავა: 0

მიღებული გადაწყვეტილება: დამტკიცდეს სსიპ ივანე ჯავახიშვილის სახელობის თბილისის სახელმწიფო უნივერსიტეტის პერსონალის მართვის დეპარტამენტის დებულება წარმოდგენილი სახით. (დანართი 5)

3. თსუ-ს დაცვისა და უსაფრთხოების სამსახურის უფროსმა, ბატონმა გიორგი გორაშვილმა წარმოადგინა თსუ-ს დაცვისა და უსაფრთხოების სამსახურის სტრუქტურა და დებულება. გიორგი გორაშვილმა წარმომადგენლობით საბჭოს მოახსენა, რომ დაცვისა და უსაფრთხოების სამსახურში შეიქმნა ორგანიზაციული ჯგუფები, რამაც გამოიწვია მთავარი და უფროსი სპეციალისტების რაოდენობის გაზრდა. ეს ცვლილებები ხელს შეუწყობს სამსახურზე დაკისრებული მოვალეობების უკეთ გახორციელებას. ადმინისტრაციის ხელმძღვანელმა, ბატონმა დავით ჩომახიძემ დასძინა, რომ თსუ-ს დამატებით გადმოეცა ფართები შენობა-ნაგებობებით, რასაც შესაბამისი დაცვა და კონტროლი ესაჭიროება, აქედან გამომდინარე აუცილებელი გახდა დაცვის თანამშრომელთა რაოდენობის გაზრდა.

აკადემიური საბჭოს წევრი, ბატონი ნუგზარ სურგულაძე დაინტერესდა დაცვისა და უსაფრთხოების სამსახურის თანამშრომელთა რაოდენობით, რაზეც გიორგი გორაშვილმა განაცხადა, რომ სამსახურის თანამშრომელთა რაოდენობა, დღეისათვის არსებული მონაცემებით, 250-ია. ამასთან, ახლო მომავალში იგეგმება აღნიშნული სამსახურის სასიგნალო სისტემაზე გადასვლა, რის განხორციელებასაც დაახლოებით 40 000 ლარი სჭირდება. ამის შედეგად მომავალში, დამის საათებში, ზოგიერთი კორპუსი გადავა ტექნიკურ (სასიგნალო) დაცვაზე, რაც განაპირობებს სამუშაო ადგილების გამოთავისუფლებას.

საკითხთან დაკავშირებით გაიმართა კენჭისყრა, რომელშიც მონაწილეობა მიიღეს მხოლოდ წარმომადგენლობითი საბჭოს წევრებმა:

მომხრე: 26

წინააღმდეგი: 0

თავი შეიკავა: 0

მიღებული გადაწყვეტილება: დამტკიცდეს სსიპ ივანე ჯავახიშვილის სახელობის თბილისის სახელმწიფო უნივერსიტეტის დაცვისა და უსაფრთხოების სამსახურის სტრუქტურა და დებულება წარმოდგენილი სახით. (დანართი 6)

4. თსუ-ს სასწავლო პროცესის მართვის დეპარტამენტის უფროსმა, ქალბატონმა დალი კანდელაკმა წარმოადგინა სასწავლო პროცესის მართვის დეპარტამენტის დებულების პროექტი. მან წარმომადგენლობითი საბჭოს წევრებს მოახსენა, რომ აღნიშნულ დეპარტამენტს შეეცვალა სახელი და სასწავლო დეპარტამენტის ნაცვლად ამჟამად მისი სრული სახელწოდებაა „სასწავლო პროცესის მართვის დეპარტამენტი“. სასწავლო პროცესის მართვის დეპარტამენტის ორ განყოფილებას დაემატა მესამე - აბიტურიენტთა მოსამზადებელი განყოფილება. ასევე აღსანიშნია,

რომ დებულების მე-8 მუხლს დაემატა „ზ“ ქვეპუნქტი, რომელიც უზრუნველყოფს სტუდენტებისათვის ცნობების (ფორმა №20, ფორმა №26) მომზადებასა და გაცემას.

იურიდიული დეპარტამენტის უფროსმა, ბატონმა არჩილ კუკულავამ დასძინა, რომ სასწავლო პროცესის მართვის დეპარტამენტის დებულებამ ვიზირება გაიარა იურიდიულ დეპარტამენტში.

საკითხთან დაკავშირებით გაიმართა კენჭისყრა:

მომხრე: 26

წინააღმდეგი: 0

თავი შეიკავა: 0

მიღებული გადაწყვეტილება: დამტკიცდეს სსიპ ივანე ჯავახიშვილის სახელობის თბილისის სახელმწიფო უნივერსიტეტის სასწავლო პროცესის მართვის დეპარტამენტის დებულება წარმოდგენილი სახით. (დანართი 7)

5. თსუ-ს შიდა აუდიტის სამსახურის უფროსმა, ბატონმა შოთა ჭანტურიძემ წარმომადგენლობითი საბჭოს წევრებს წარუდგინა შიდა აუდიტის სამსახურის დებულების პროექტი, რომელშიც, მისივე თქმით, ნათლად და კანონმდებლობასთან სრული შესაბამისობის დაცვითაა გაწერილი თსუ-ს ადმინისტრაციაში ახლადშექმნილი შიდა აუდიტის სამსახურის ფუნქციები და ამოცანები. მონიტორინგის განყოფილება, მისი საქმიანობის გათვალისწინებით, შეუერთდა შიდა აუდიტის სამსახურს.

ბატონმა დავით ჩომახიძემ აღნიშნა, რომ შიდა აუდიტის სამსახური კონტროლს გაუწევს ფინანსურ საქმიანობას და დარღვევის შემთხვევაში მოახდენს შესაბამის რეაგირებას. მონიტორინგის განხორციელების შედეგად აღმოჩენილი გარემოებების შესახებ ინფორმაცია გადაეგზავნება შესაბამისი სტრუქტურული ერთეულების ხელმძღვანელებს, რომლებიც თავად გადაწყვეტენ თუ რა რეაგირება მოახდინონ მათზე.

წარმომადგენლობითი საბჭოს წევრი, ქალბატონი ცირა ბარამიძე დაინტერესდა თუ რამდენი თანამშრომელი იმუშავებს შიდა აუდიტის სამსახურში, რაზეც ბატონმა დავით ჩომახიძემ გასცა პასუხი და განმარტა, რომ შიდა აუდიტის სამსახურში დასაქმებული იქნება სულ 14 ადამიანი, აქედან 8 თანამშრომელი იმუშავებს მონიტორინგის განყოფილებაში.

აკადემიური საბჭოს წევრმა, ქალბატონმა მარიამ გერსამიამ აღნიშნა, რომ აუცილებელია მონიტორინგის განყოფილებამ მჭიდრო კავშირი დაამყაროს ფაკულტეტებთან, ამასთან აუცილებელია სასწავლო პროცესსა და ადმინისტრაციულ საქმიანობაზე ზედამხედველობა გაიმძღნოს ერთმანეთისგან.

წარმომადგენლობითი საბჭოს წევრი, ბატონი ვლადიმერ მარგველაშვილი დაინტერესდა თუ რას გულისხმობს წარმოდგენილი დებულების პროექტის პირველი მუხლის მე-5 პუნქტი, რაზეც ბატონმა შოთა ჭანტურიძემ განაცხადა, რომ აღნიშნული პუნქტი კანონმდებლობის მოთხოვნაა, ხოლო რაც შეეხება მასში მოხსენებულ საბჭოს, იგი პარლამენტთან შექმნილი ორგანოა, რომელიც კოორდინაციას უწევს ყველა მაკონტროლებელ ორგანოს.

საკითხთან დაკავშირებით გაიმართა კენჭისყრა, რომელშიც მონაწილეობა მიიღეს მხოლოდ წარმომადგენლობითი საბჭოს წევრებმა:

მომხრე: 26

წინააღმდეგი: 0

თავი შეიკავა: 0

მიღებული გადაწყვეტილება: დამტკიცდეს სსიპ ივანე ჯავახიშვილის სახელობის თბილისის სახელმწიფო უნივერსიტეტის შიდა აუდიტის სამსახურის დებულება წარმოდგენილი სახით. (დანართი 8)

6. წარმომადგენლობითი საბჭოს სპიკერმა წარმომადგენლობითი საბჭოს წევრებს დასამტკიცებლად წარუდგინა სსიპ ივანე ჯავახიშვილის სახელობის თბილისის სახელმწიფო უნივერსიტეტის აკადემიური საბჭოს 2011 წლის 11 აპრილის №34/2011 დადგენილება სსიპ ივანე ჯავახიშვილის სახელობის თბილისის სახელმწიფო უნივერსიტეტის ლექსიკოგრაფიული ცენტრის შექმნის შესახებ. ბატონმა კახაბერ ლორიამ წარმომადგენლობით საბჭოს მოახსენა, რომ ლექსიკოგრაფიული ცენტრი აქამდეც არსებობდა ჰუმანიტარულ მეცნიერებათა ფაკულტეტზე და მას ხელმძღვანელობდა ქალბატონი თინათინ მარგალიტაძე, თუმცა გადაწყდა მისი საუნივერსიტეტო ცენტრად ჩამოყალიბება.

აკადემიური საბჭოს წევრმა, ბატონმა ნუგზარ სურგულაძემ აღნიშნა, რომ ამგვარი საუნივერსიტეტო ცენტრის შექმნა არათუ საჭირო, არამედ აუცილებელიცაა უნივერსიტეტისათვის.

აკადემიური საბჭოს წევრმა, ბატონმა ზურაბ დავითაშვილმა განაცხადა, რომ ერთგვარად დაგვიანებულიც კია ამგვარი ცენტრის შექმნა.

წარმომადგენლობითი საბჭოს წევრმა, ქალბატონმა ცირა ბარამიძემ საბჭოს მოახსენა, რომ ამგვარი ცენტრის არსებობა მნიშვნელოვანია არა მხოლოდ სამეცნიერო-პრაქტიკული, არამედ კომერციული თვალსაზრისითაც და რომ აუცილებელია ევროპული ენებისა და თარგმნითი ლექსიკონების შექმნა.

წარმომადგენლობითი საბჭოს წევრმა, ბატონმა არნოლდ გეგეჭკორმა აღნიშნა, რომ მისასაღმებელია ცენტრისათვის საუნივერსიტეტო მნიშვნელობის სტატუსის მინიჭების ფაქტი. ჯერ კიდევ ჰუმანიტარულ მეცნიერებათა ფაკულტეტის ცენტრად არსებობისას ის მნიშვნელოვან საქმეს აკეთებდა და საოცარი სიზუსტით ასრულებდა მართლაც მძიმე სამუშაოს.

საკითხთან დაკავშირებით გაიმართა კენჭისყრა, რომელშიც მონაწილეობა მიიღეს მხოლოდ წარმომადგენლობითი საბჭოს წევრებმა:

მომხრე: 26

წინააღმდეგი: 0

თავი შეიკავა: 0

მიღებული გადაწყვეტილება: დამტკიცდეს სსიპ ივანე ჯავახიშვილის სახელობის თბილისის სახელმწიფო უნივერსიტეტის აკადემიური საბჭოს 2011 წლის 11 აპრილის №34/2011 დადგენილება სსიპ ივანე ჯავახიშვილის სახელობის თბილისის სახელმწიფო უნივერსიტეტის ლექსიკოგრაფიული ცენტრის შექმნის შესახებ.. (დანართი 9)

7. ადმინისტრაციის ხელმძღვანელმა, ბატონმა დავით ჩომახიძემ წარმოადგინა ლექსიკოგრაფიული ცენტრის დებულების პროექტი.

წარმომადგენლობითი საბჭოს წევრი, ბატონი ბეჟან თუთბერიძე დაინტერესდა, შესაძლებელია თუ არა ცენტრმა ტექნიკური ტერმინოლოგიური ლექსიკონები შექმნას, რაზეც თინათინ მარგალიტაძემ განაცხადა, რომ იგეგმება გარკვეული ღონისძიებები ამ მიმართულებით.

წარმომადგენლობითი საბჭოს წევრმა, ქალბატონმა მამანა ხაჩიძემ გამოთქვა მოსაზრება, რომ ტექნიკური უზრუნველყოფის თვალსაზრისით შესაძლებელია საუნივერსიტეტო გამოცდილების გამოყენება, რაც დაეხმარება ცენტრს.

ბატონმა ზურაბ ფაღავამ დასძინა, რომ აუცილებელია ასევე სამედიცინო ლექსიკონების შექმნა.

ქალბატონ თინათინ მარგალიტაძემ წარმომადგენლობითი საბჭოს წევრებს მოახსენა, რომ ეკონომიკისა და ბიზნესის ფაკულტეტზე უკვე ჩატარდა პრეზენტაცია ტექნიკური ლექსიკონების შექმნის საკითხთან დაკავშირებით. მსგავსი პრეზენტაციები იგეგმება სხვა ფაკულტეტებზეც.

საკითხთან დაკავშირებით გაიმართა კენჭისყრა, რომელშიც მონაწილეობა მიიღეს მხოლოდ წარმომადგენლობითი საბჭოს წევრებმა:

მომხრე: 26

წინააღმდეგი: 0

თავი შეიკავა: 0

მიღებული გადაწყვეტილება: დამტკიცდეს სსიპ ივანე ჯავახიშვილის სახელობის თბილისის სახელმწიფო უნივერსიტეტის ლექსიკოგრაფიული ცენტრის დებულება წარმოდგენილი სახით. (დანართი 10)

8. თსუ-ს იურიდიული დეპარტამენტის უფროსმა, ბატონმა არჩილ კუკულავამ წარმომადგენლობითი საბჭოს წევრებს მოახსენა ივანე ჯავახიშვილის სახელობის თბილისის სახელმწიფო უნივერსიტეტის ბალანსზე არსებული ქონების (დანადგარ-მოწყობილებები) სსიპ – სოხუმის ილია ვეკუას ფიზიკა-ტექნიკის ინსტიტუტისათვის გადაცემის თაობაზე.

წარმომადგენლობითი საბჭოს წევრმა, ქალბატონმა ცირა ბარამიძემ გამოთქვა ეჭვი თსუ-ს ბალანსზე არსებული ქონების სსიპ – სოხუმის ილია ვეკუას ფიზიკა-ტექნიკის ინსტიტუტისათვის უსასყიდლოდ გადაცემის თაობაზე და აღნიშნა, რომ რადგანაც ეს დანადგარ-მოწყობილობები ასე მნიშვნელოვანია, უმჯობესი იქნებოდა ისინი შესაბამისი საფასურის სანაცვლოდ გადაგვეცა ინსტიტუტისათვის.

წარმომადგენლობითი საბჭოს წევრთა უმრავლესობამ არ გაიზიარა პროფ. ცირა ბარამიძის მოსაზრება.

საკითხთან დაკავშირებით გაიმართა კენჭისყრა, რომელშიც მონაწილეობა მიიღეს მხოლოდ წარმომადგენლობითი საბჭოს წევრებმა:

მომხრე: 25

წინააღმდეგი: 1

თავი შეიკავა: 0

მიღებული გადაწყვეტილება: გაიცეს თანხმობა ივანე ჯავახიშვილის სახელობის თბილისის სახელმწიფო უნივერსიტეტის ბალანსზე არსებული ქონების (დანადგარ-მოწყობილებები) სსიპ – სოხუმის ილია ვეკუას ფიზიკა-ტექნიკის ინსტიტუტისათვის გადაცემის თაობაზე.

9. იურიდიული დეპარტამენტის უფროსმა, ბატონმა არჩილ კუკულავამ წარმოადგინა სსიპ – ივანე ჯავახიშვილის სახელობის თბილისის სახელმწიფო უნივერსიტეტის X (მაღლივი) კორპუსის ამორტიზებული და გამოუყენებელი მატერიალური ფასეულობების ჩამოწერისა და კანონმდებლობით გათვალისწინებული შემდგომი პროცედურების განხორციელების დაწყების საკითხი. მან აღნიშნა, რომ აუცილებელია გამოუსადეგარი ქონების ჩამოწერა და ფართის გათავისუფლება.

წარმომადგენლობითი საბჭოს წევრი, ბატონი გიორგი გალდავა დაინტერესდა თუ რამდენად შეთანხმებულია აღნიშნული ქონების ჩამოწერის საკითხი შესაბამის სამინისტროებთან, რაზეც ბატონმა დავით ჩომახიძემ აღნიშნა, რომ საუბარია გამოუსადეგარ ქონებაზე, რომელიც აუცილებელია ჩამოიწეროს და ყოველივე ეს ხორციელდება კანონმდებლობის სრული დაცვით.

საკითხთან დაკავშირებით გაიმართა კენჭისყრა, რომელშიც მონაწილეობა მიიღეს მხოლოდ წარმომადგენლობითი საბჭოს წევრებმა:

მომხრე: 26

წინააღმდეგი: 0

თავი შეიკავა: 0

მიღებული გადაწყვეტილება: გაიცეს თანხმობა სსიპ – ივანე ჯავახიშვილის სახელობის თბილისის სახელმწიფო უნივერსიტეტის X (მაღლივი) კორპუსის ამორტიზებული და გამოუყენებელი მატერიალური ფასეულობების ჩამოწერასა და კანონმდებლობით გათვალისწინებული შემდგომი პროცედურების განხორციელების დაწყების თაობაზე. (დანართი 11)

10. თსუ-ს იურიდიული ფაკულტეტის ხარისხის უზრუნველყოფის სამსახურის უფროსმა, ქალბატონმა მარინა გარიშვილმა წარმოადგინა თსუ-ს აკადემიური საბჭოს 2011 წლის 25 მარტის დადგენილება №31/2011 „სსიპ ივანე ჯავახიშვილის სახელობის

თბილისის სახელმწიფო უნივერსიტეტის იურიდიული ფაკულტეტის „B“ კატეგორიის პროფესორთათავეს ყოველთვიური სახელფასო დანამატის დადგენის შესახებ”.

მარინა გარიშვილია წარმომადგენლობით საბჭოს მოახსენა, რომ 2008 წელს იურიდიული ფაკულტეტის „A“ კატეგორიის პერსონალს მიეცა სახელფასო დანამატი 300 ლარის ოდენობით, რაც არ განხორციელებულა „B“ კატეგორიის პროფესორთა მიმართ, რომელთა რაოდენობა ფაკულტეტზე 37-ს შეადგენს. თსუ-ს 2011 წლის ბიუჯეტში არაა გათვალისწინებული „B“ კატეგორიის აკადემიური პერსონალის სახელფასო დანამატები, რომელსაც აკადემიური საბჭოს დადგენილება ითვალისწინებს, თუმცა ფაკულტეტის ბიუჯეტის ნაწილით შესაძლებელია მათი გამონახვა ისე, რომ აღნიშნულმა არ გამოიწვიოს თსუ-ს ბიუჯეტში არსებითი ცვლილებები.

საკითხის გარშემო გაიმართა მსჯელობა. წარმომადგენლობითი საბჭოს წევრი, ქალბატონი ცირა ბარამიძე დაეთანხმა შემოსულ წინადადებას და აღნიშნა, რომ საკითხი უდავოდ დადებითად უნდა გადაწყდეს და მისასაღმებელიცაა, როდესაც ფაკულტეტი საკუთარი საბიუჯეტო სახსრების გადანაწილებით ახერხებს პროფესორთა ხელფასების გაზრდას. უნივერსიტეტი ერთიანი ორგანიზმია და საინტერესოა თუ რა ხდება სხვა ფაკულტეტების ხელფასებთან დაკავშირებით. უნივერსიტეტის ადმინისტრაციის სტრატეგია უნდა იყოს ფაკულტეტების ხელფასების გათანაბრება, რათა არ არსებობდეს მათ შორის დისკრიმინაციული განსხვავება. ასევე ძალზედ უხერხულია, როდესაც თსუ-ს წარმომადგენლობითი საბჭოს სპიკერს არა აქვს ანაზღაურება, როცა სხვა უნივერსიტეტებში სპიკერის თანამდებობა ანაზღაურებადი. აუცილებელია გადაისინჯოს სახელფასო ბაღე.

აკადემიური საბჭოს წევრმა, ბატონმა ნუგზარ სურგულაძემ წარმომადგენლობით საბჭოს განუმარტა, რომ იურიდიულ ფაკულტეტზე ხელფასები საკმაოდ მტკივნეული რეფორმების შედეგად გაიზარდა. ამგვარი მიდგომის საშუალებით მოხერხდა ფაკულტეტზე გამორჩეული კადრების მოზიდვა და შენარჩუნება.

წარმომადგენლობითი საბჭოს წევრმა, ბატონმა ელგუჯა მექვაბიშვილია წარმომადგენლობით საბჭოს მოახსენა, რომ დიფერენცირებული ხელფასი არ წარმოადგენს დისკრიმინაციას და ამას განაპირობებს საბაზრო ეკონომიკის პრინციპები. ზოგადად, უნივერსიტეტის აკადემიურ პერსონალს ერთნაირი ხელფასები გააჩნიათ, თუმცა განსხვავებულია სახელფასო დანამატების ოდენობა, რიმელიც სტუდენტთა რაოდენობისა და დატვირთვის შესაბამისად განისაზღვრება. ეკონომიკისა და ბიზნესის ფაკულტეტიდან თსუ-ს ბიუჯეტში შედის დაახლოებით 11 მლნ. ლარი, საიდანაც მხოლოდ 3 მლნ. ლარი უბრუნდება ფაკულტეტს. სოლიდარობის პრინციპი გასაგებია, თუმცა ამგვარი მიდგომა ერთგვარი დემოტივაციაა ფაკულტეტისა და მისი აკადემიური პერსონალისათვის.

წარმომადგენლობითი საბჭოს წევრმა, ქალბატონმა ინეზა გაგნიძემ აღნიშნა, რომ იურიდიული და ეკონომიკისა და ბიზნესის ფაკულტეტების აკადემიურ პერსონალს მნიშვნელოვნად გაეზარდა დატვირთვა, ამასთან სწორედ ამ ფაკულტეტებს დაემატა რამდენიმე ათასი სტუდენტი შემოერთებული უნივერსიტეტიდან, რის გამოც პროფესორებს გაცილებით მეტი მუშაობა უხდებათ, რამაც შესაძლებელია საბოლოო ჯამში პრობლემები შექმნას, თუკი მათი შრომა ჯეროვნად არ იქნება დაფასებული.

წარმომადგენლობითი საბჭოს წევრმა, ბატონმა ზურაბ ფაღავამ აღნიშნა, რომ იურიდიული და ეკონომიკისა და ბიზნესის ფაკულტეტების მიერ განხორციელებული ოპტიმიზაცია და რეფორმები მისასაღმებელია, თუმცა წარმოუდგენელია მათი ყველა ფაკულტეტის მიერ გამოყენება. თითოეულ ფაკულტეტს თავის სპეციფიკა და თემატიკა გააჩნია, მაგალითისთვის, მედიცინის ფაკულტეტზე გამორიცხულია, რომ პროფესორი იმავდროულად არ მუშაობდეს სხვაგან, რადგან მას პრაქტიკა სჭირდება. რა თქმა უნდა, იურიდიული ფაკულტეტის პროფესორთათვის ხელფასების ზრდა მისასაღმებელია, თუმცა კარგი იქნება თუკი გათვალისწინებული იქნება სხვა ფაკულტეტების სპეციფიკა.

წარმომადგენლობითი საბჭოს წევრმა, ბატონმა გიორგი გაღდავამ განმარტა, რომ კლინიკური ბაზების ნაკლებობა განაპირობებს სტუდენტთა და უცხოელთა მხრიდან დაინტერესების ნაკლებობას. გამართული ბაზების შემთხვევაში შესაძლებელია უცხოელი სტუდენტების მიღება, რომელთა ხარჯზეც გაიზრდება ფაკულტეტის შემოსავლები.

საფინანსო დეპარტამენტის უფროსმა, ბატონმა ირაკლი საღარეიშვილმა წარმომადგენლობით საბჭოს განუცხადა, რომ იურიდიულმა ფაკულტეტმა გამონახა რეზერვი და გააჩნია შესაძლებლობა „B“ კატეგორიის პროფესორებს მისცეს სახელფასო დანამატი, რაც სხვა ფაკულტეტებისგან განსხვავებით იურიდიულ ფაკულტეტს აქამდე არ ჰქონია.

საკითხთან დაკავშირებით გაიმართა კენჭისყრა, რომელშიც მონაწილეობა მიიღეს მხოლოდ წარმომადგენლობითი საბჭოს წევრებმა:

მომხრე: 26

მოწინააღმდეგე: 0

თავი შეიკავა: 0

მიღებული გადაწყვეტილება: დამტკიცდეს ივანე ჯავახიშვილის სახელობის თბილისის სახელმწიფო უნივერსიტეტის აკადემიური საბჭოს 2011 წლის 25 მარტის №31/2011 დადგენილება სსიპ – ივანე ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტის “B” კატეგორიის პროფესორთათვის ყოველთვიური სახელფასო დანამატის დადგენის შესახებ.

წარმომადგენლობითი საბჭოს სპიკერი:

კ. ლორია

წარმომადგენლობითი საბჭოს სამდივნოს

ხელმძღვანელი (უფროსი)

დ. გუგუნავა

თსუ-ს წარმომადგენლობითი საბჭოს სხდომა (თსუ, 18 აპრილი, 2011წ.)

ეკონომიკისა და ბიზნესის ფაკულტეტი

პროფესორები:

- გაგნიძე ინეზა
- თოდუა ნუგზარი
- მექვაბიშვილი ელგუჯა

1. კუთხე
6. მოთხ
2. გუჯა

სტუდენტები:

- კარტოზია გიორგი
- მესხორაძე გიორგი
- ჩაბაკაური გიორგი

3. მუმი
ე. ლუქ

მედიცინის ფაკულტეტი

პროფესორები:

- გალდავა გიორგი
- მარგველიშვილი ელადიმური
- ფალავა ზურაბი

ქა
3. ქა
3. ქა

სტუდენტები:

- ცინცაძე ნინო

ნ. ცინცაძე

სოციალურ პოლიტიკურ მეცნიერებათა ფაკულტეტი

პროფესორები:

- თურქიაშვილი შორენა
- მაცაბერიძე მალხაზი
- შამილიშვილი მანანა
- წერეთელი მარი

წ. აყობ-
მ. შებოძ

სტუდენტები:


- ნახუცრიშვილი კონსტანტინე
- ჩოხელი ლევანი

კ. ნახუცრიშვილი
ლ. ჩოხელი

ჰუმანიტარულ მეცნიერებათა ფაკულტეტი

პროფესორები:

- ბარამიძე ცირა
- ბახტაძე მიხეილი
- ბრაჭული ირაკლი
- გელოვანი ნანი
- ლიჩელი ვახტანგი
- ლორია კახაბერი
- პაიჭაძე თამარი


ბარამიძე ცირა
ბახტაძე მიხეილი
ბრაჭული ირაკლი
გელოვანი ნანი
ლიჩელი ვახტანგი
ლორია კახაბერი
პაიჭაძე თამარი

სტუდენტები:

- ახლოური ბექა
- ზივზივაძე ვახტანგი
- ჯღამაძე უჩა

ზუსტ და საბუნებისმეტყველო მეცნიერებათა ფაკულტეტი

პროფესორები:

- გეგეჭკორი არნოლდი
- ელიაშვილი მერაბი
- თუთბერიძე ბეჟანი
- ომანაძე როლანდი
- ხაჩიძე მანანა
- კერესელიძე დავითი

ბი 1


სტუდენტები:

- გუბაძე ვასილი
- ქლიკაძე გივი

იურიდიული ფაკულტეტი

პროფესორები:


- კახიანი გიორგი
- კვერენჩხილაძე გიორგი



სტუდენტები:

- ბენდელიანი ბექა
- კვაპაშვილი თამარი
- ქალიძე ივერი









ბ. ბენდელიანი
თ. კვაპაშვილი
ი. ქალიძე



თსუ-ს ბიბლიოთეკის ხელმძღვანელი

- ზურაბ გაიპარაშვილი

თსუ-ს წარმომადგენლობითი საბჭოს სხდომაზე (18. 04. 11)
დამსწრე აკადემიური საბჭოს წევრების სია:

- ალექსანდრე კვიციანიძე (რექტორი)
- ნანი გაფრინდაშვილი
- რამაზ ქურდაძე
- ზურაბ დავითაშვილი 
- მარიამ გერსამია 
- ალექსანდრე შენგელაია 
- ელიზბარ ნადარაია 
- მაია კოპალეიშვილი
- ნუგზარ სურგულაძე 
- რევაზ გველესიანი 
- ქეთევან მარშავა 
- ფრიდონ თოდუა
- ლავრენტი მანაგაძე 



ივანე ჯავახიშვილის სახელობის თბილისის სახელმწიფო უნივერსიტეტი
ადმინისტრაციის ხელმძღვანელი

№23/01/02-14-13

06.04.2011

სსიპ- ივანე ჯავახიშვილის სახელობის თბილისის სახელმწიფო
უნივერსიტეტის წარმომადგენლობითი საბჭოს სპიკერს,
ბ-ნ კახაბერ ლორიას

ბატონო კახაბერ,

მოგესხენებათ, რომ სსიპ - ივანე ჯავახიშვილის სახელობის თბილისის სახელმწიფო უნივერსიტეტის ადმინისტრაციის სტრუქტურაში 2011 წლის იანვარში შევიდა გარკვეული ცვლილებები. მათ შორის გაუქმდა მონიტორინგის დეპარტამენტი და იგი განყოფილების სახით ჩამოყალიბდა პერსონალის მართვის დეპარტამენტში. აღნიშნული სტრუქტურული ცვლილება განხილული და დამტკიცებული იქნა თსუ წარმომადგენლობითი საბჭოს სხდომაზე (ოქმი #34, 16.03.2011). ასევე 2011 წლიდან, თსუ-ში ჩამოყალიბდა შიდა აუდიტის სამსახური. სამსახურის ფუნქციებიდან და საქმიანობის სპეციფიკიდან გამომდინარე, მიზანშეწონილად ჩაითვალა მონიტორინგის განყოფილების გაერთიანება შიდა აუდიტის სამსახურთან. აღნიშნული ცვლილების განხორციელების შემთხვევაში აუცილებელის შევიდეს ცვლილებები უნივერსიტეტის ადმინისტრაციის სტრუქტურაში. კერძოდ, პერსონალის მართვის დეპარტამენტს გამოეყოს მონიტორინგის განყოფილება და პერსონალის მართვის დეპარტამენტი ჩამოყალიბდეს სტრუქტურულ ერთეულად განყოფილებების გარეშე.

რაც შეეხება შიდა აუდიტის სამსახურს, მისი სტრუქტურა წარმოდგენილი იქნება შემდეგი სახით:

- სამსახურის უფროსი;
- აუდიტორები და ექსპერტები;
- მონიტორინგის განყოფილება;

გთხოვთ, აღნიშნული ცვლილებების დამტკიცებას წარმომადგენლობითი საბჭოს უახლოეს სხდომაზე.

პატივისცემით,

ადმინისტრაციის ხელმძღვანელი

დავით ჩომახიძე